

შპს „ქართლის ქარის ელექტროსადგური“



შპს „ქართლის ქარის ელექტროსადგური“ –სთვის გამოძიებასა და უსაფრთხოებასთან
დაკავშირებული მომსახურებები.
(CPV-79700000)

სატენდერო დოკუმენტაცია

თბილისი

2016 წელი

ინსტრუქცია ტენდერში მონაწილეთათვის

1. სახელმწიფო შესყიდვების ერთიან ელექტრონულ სისტემაში (შემდგომში-სისტემა) შესყიდვების პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების შესაბამისად.
2. ელექტრონულ შესყიდვებში მონაწილეობის ინსტრუქტაჟი დეტალურად ასახულია 'სახელმწიფო შესყიდვის ერთიანი ელექტრონული სისტემის მომხმარებელთა სახელმძღვანელოში, რომელიც შეგიძლიათ იხილოთ შემდეგ მისამართზე:
3. ელექტრონულ ტენდერთან/გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნას დედანის სახით (ასლის შემთხვევაში ნოტარიულად დამოწმებული ასლი) ქართულ ენაზე.
4. დოკუმენტების ან/და ინფორმაციის უცხო ენაზე წარმოდგენის შემთხვევაში მათ უნდა დაერთოთ ნოტარიულად დამოწმებული ქართული თარგმან(ებ)ი.
5. ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანებს შორის, პრიორიტეტის მინიჭების საკითხს წყვეტს სატენდერო კომისია.
6. პრედენდენტს არა აქვს უფლება წარმოადგინოს ალტერნატიული წინადადება.
7. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის გამოყენების საშუალებით წერილობითი მომართვის საფუძველზე.

1. ტექნიკური დავალება

- 1.1 შპს ქართლის ქარის ელექტროსადგურის სამშენებლო არეალის დაცვა, რომელიც მდებარეობს გორის მუნიციპალიტეტში, გორის ტელე-რადიო ანძის მიმდებარე ტერიტორიაზე.
- 1.2 დაცვა უნდა განხორციელდეს დაცვის დღე-ღამის განმავლობაში დანართი N 1-ში (ტურბინების და შენობების განლაგების სქემა) წარმოდგენილ ტერიტორიაზე.
- 1.3 მიმწოდებელს უნდა გააჩნდეს დაცვითი მომსახურების განხორციელების გეგმა.
- 1.4 საჭიროების შემთვევაში შესაძლებელი უნდა იყოს ოპერატიული ჯგუფის გამოცხადება შესაბამის ობიექტზე შეტყობინებიდან არაუმეტეს 15 წუთში.
- 1.5 დაცვის უზრუნველყოფა უნდა განხორციელდეს: ყოველდღიურად 24 საათიან რეჟიმში.
- 1.6 დაცვის თანამშრომლებმა უნდა მოახდინონ სამშენებლო არეალში განთავსებული მატერიალური ფასეულობების დაცვა საქართველოს კანონმდებლობით დანაშაულად მიჩნეული ქმედებისაგან და ასევე უზრუნველყონ შემდეგი ქმედებები:
 - a. ვიზიტორების და თანამშრომლების მიმართ წესრიგის დაცვაზე მეთვალყურეობა
 - b. პირველადი ზომების მიღება ტექნიკური ავარიების და ხანძრის შემთხვევაში
- 1.5 “შემსრულებელმა“ მომსახურების განხორციელებისას უნდა უზრუნველყოს შესაბამისი გამოცდილებისა და კვალიფიკაციის, მაღალი პასუხისმგებლობის მქონე თანამშრომელთა შერჩევა, რითიც უზრუნველყოფილი იქნება გაწეული მომსახურების მაღალი ხარისხი.
- 1.6 დაცვის თანამშრომლები აღჭურვილი უნდა იყვნენ სპეც. უნიფორმით.
- 1.7 აღნიშნული პირობების შეუსრულებლობის შემთხვევაში, “დამკვეთს“ უფლება აქვს მოსთხოვოს “შემსრულებელს“ დაცვის თანამშრომლის შეცვლა, რომელიც თავის მხრივ ვალდებულია შეცვალოს დაცვის თანამშრომელი 2 (ორი) სამუშაო დღის განმავლობაში, წინააღმდეგ შემთხვევაში, აღნიშნული ჩაითვლება ხელშეკრულების დარღვევად და „დამკვეთს“ უფლება ექნება შეწყვიტოს ხელშეკრულება.
- 1.8 დაცვის სამსახურმა უნდა უზრუნველყოს დაცვის თანამშრომელთა აღჭურვა ყველა საჭირო ტექნიკური საშუალებებით.(ჯიხურები, ავტოტრანსპორტი, კავშირგაბმულობის საშუალებები, საჭიროების შემთხვევაში ცეცხლსასროლო იარაღი და ა.შ.)
- 1.9 აღმოჩენილი მართლსაწინააღმდეგო ქმედების დაფიქსირების შემთხვევაში „შემსრულებელმა“ დაუყოვნებლივ უნდა აცნობოს როგორც „დამკვეთს“ ასევე შესაბამის სამართალდამცავ სტრუქტურებს. უნდა უზრუნველყოს შემთხვევის ადგილის ხელშეუხებლობა. ასევე “შემსრულებელი“ ვალდებულია, შეადგინოს შესაბამისი ოქმი მომხდარი შემთხვევის შესახებ დაზიანებული, დაკარგული, განადგურებული ქონების მითითებით.
- 1.10 „მიმწოდებელი“ ფინანსურ პასუხისმგებლობას იღებს იმ მატერიალური ფასეულობების დაკარგვაზე, რომელთა გატანა დაცული ტერიტორიის გარეთ შეუძლებელია დაფარულად (მათ შორის კომპიუტერული და საყოფაცხოვრებო ტექნიკა, ავეჯი, საშუალო და დიდი ზომის სანტექნიკური მოწყობილობა და სხვა მოძრავი ქონება)

2. მომსახურების გაწევის ვადები და პირობები

- 2.1 მომსახურების გაწევა უნდა დაიწყოს ხელშეკრულების გაფორმებიდან 5 (ხუთი) კალენდარული დღის ვადაში და გაგრძელდეს 2016 წლის 31 დეკემბრის ჩათვლით, უწყვეტ რეჟიმში 24 საათის განმავლობაში.
- 2.2 მომსახურების გაწევის ადგილი განისაზღვრება სატენდერო დოკუმენტაციის დანართი #1 -ით.

3. დამატებითი მოთხოვნები

- 3.1 სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნას ქართულ ენაზე.
- 3.2 პრეტენდენტს უფლება აქვს წარმოადგინოს მხოლოდ ერთი სატენდერო წინადადება.
- 3.3 სატენდერო წინადადებაში საერთო და ერთეულის ფასი გამოსახული უნდა იყოს ყველა ხარჯის გათვალისწინებით, როგორცაა: ტრანსპორტირების ხარჯები და საქართველოს კანონმდებლობით დადგენილი გადასახადები, თუ მოსაკრებლები (დღგ-ს გარეშე).
- 3.4 სატენდერო წინადადების საერთო და ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.

4. ანგარიშსწორების პირობები

- 4.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით (დღგ-ს გარდა).
- 4.2 ანგარიშსწორება მოხდება, უნაღდო ანგარისწორებით ლარებში.
- 4.3 ანგარიშსწორება მიმწოდებელთან განხორციელდება, ყოველთვიურად, ხელშეკრულების შესაბამისად გაფორმებული მიღება-ჩაბარების აქტის და საგადასახადო ანგარიშ-ფაქტურის საფუძველზე, (იმ შემთხვევაში, თუ მიმწოდებელი დარეგისტრირებულია დღგ-ს გადამხდელად) მათი წარმოდგენიდან არაუგვიანეს 10 (ათი) სამუშაო დღის განმავლობაში.
- 4.4 არასრული თვის პერიმეტრული დაცვის მომსახურების ღირებულების ანაზღაურება მოხდება მიმწოდებლის მიერ ფაქტიურად გაწეული მომსახურების შესაბამისად (გაწეული მომსახურების დღეების პროპორციულად).
- 4.5 წინასწარი ანგარიშსწორება (ავანსი) არ გამოიყენება

5. პრეტენდენტის მიერ სისტემაში ასატვირთი დოკუმენტებია:

- 5.1 პრეტენდენტებმა უნდა წარმოადგინოს სატენდერო წინადადების ფასი, ფასების ცხრილი, დანართი N2- ის მიხედვით;
- 5.2 რეკვიზიტები დანართი N3-ის მიხედვით;
- 5.3 საქმიანობის ლიცენზია - დაცვითი საქმიანობის გაწევის უფლებამოსილების დამადასტურებელი დოკუმენტი (ლიცენზია) , რომლის მოქმედების ვადა უნდა იყოს მინიმუმ 2017 წლის 31 იანვარი;

5.4 ინფორმაცია პრეტენდენტის მიერ განხორციელებული ანალოგიური მომსახურების არანაკლებ 2 წლიანი გამოცდილების შესახებ (რომელიც შემსყიდველის მოთხოვნის შემთხვევაში უნდა დადასტურდეს შესაბამისი დოკუმენტაციით)

5.5 ინფორმაცია ტექნიკური აღჭურვილობის შესახებ

5.6 დადებითი რეკომენდაცია მინიმუმ ერთი ორგანიზაციიდან, პრეტენდენტის მიერ გაწეული დაცვის მომსახურების შესახებ.

5.7 ინფორმაცია პრეტენდენტის დღგ-ს გადამხდელად რეგისტრაციის შესახებ.

სატენდერო წინადადების ხელის, მომწერისათვის უფლებამოსილი პირის მიერ გაცემული მინდობილობა (საჭიროების შემთხვევაში).

შენიშვნა: პრეტენდენტი ვალდებულია მის მიერ ელექტრონულად წარმოდგენილი დოკუმენტაცია დედნის სახით წარმოადგინოს შემსყიდველ ორგანიზაციაში ხელშეკრულების გაფორმების მომენტისათვის 2 (ორ) ეგზემპლარად.

ფასების ცხრილი

დასაცავი ობიექტის დასახელება	დაცვის საათები დღე- ღამეში	დაცვის თანამშრომელთა რაოდენობა დღე- ღამეში	დაცვის თანამშრომელთა ანაზღაურება თვის განმავლობაში (ერთი ერთეული)	სულ	დაცვის მომსახურების ღირებულება თვეში	დაცვის მომსახურების ღირებულება ჯამურად
ქარის ელექტროსადგურის სამშენებლო ტერიტორია	24 სთ					

პრეტენდენტის ხელმოწერა: ----- ბ.ა

რეკვიზიტები

პრეტენდენტის დასახელება	
საიდენტიფიკაციო კოდი	
იურიდული მისამართი	
ფაქტობრივი მისამართი	
საკონტაქტო ტელეფონი	
ელ.ფოსტა	
ხელმძღვანელის სახელი გვარი	
მომსახურე ბანკის დასახელება, ბანკის კოდი	
ანგარიშის ნომერი	

პრეტენდენტის ხელმოწერა: ----- ბ.ა

მომსახურების ხელშეკრულების პროექტი

ქ. თბილისი

----- 2016 წელი

ერთის მხრივ, შპს „ქართლის ქარის ელექტროსადგური“ (შემდგომში „შემსყიდველი“),
წარმოდგენილი მისი დირექტორთა საბჭოს თავმჯდომარის ----- სახით

და

მეორეს მხრივ _____ (შემდგომში „მიმწოდებელი“), წარმოდგენილი მისი
დირექტორის _____ სახით,

შემსყიდველი და მიმწოდებელი ცალ-ცალკე მოხსენიებულნი არიან როგორც მხარე, ხოლო
ერთობლივად როგორც მხარეები;

მხარეები ვმოქმედებთ რა, სახელმწიფო შესყიდვების შესახებ საქართველოს კანონის,
სატენდერო დოკუმენტაციისა და მიმწოდებლის მიერ წარმოდგენილი სატენდერო
წინადადების საფუძველზე, გამარტივებული ელექტრონული ტენდერის ჩატარების შედეგად
ვდებთ წინამდებარე სახელმწიფო შესყიდვის ხელშეკრულებას (შემდგომში „ხელშეკრულება“)
და ვთანხმდებით შემდეგზე:

1. ხელშეკრულების საგანი

- 1.1 წინამდებარე ხელშეკრულების საგანს წარმოადგენს შემსყიდველის მიერ
მიმწოდებლისგან დაცვის მომსახურების (შემდგომში „მომსახურების“) შესყიდვა,
წინამდებარე ხელშეკრულების დანართების და პირობების შესაბამისად.
- 1.2 მომსახურების დასახელება, ვადები და ღირებულება მოცემულია წინამდებარე
ხელშეკრულების დანართი #1-სა (ტექნიკური დავალება) და დანართი #2-ში (ფასების
ცხრილი), რომელიც თან ერთვის წინამდებარე ხელშეკრულებას და წარმოადგენს მის
განუყოფელ ნაწილს.
- 1.3 გაწეული მომსახურების სანაცვლოდ შემსყიდველი უხდის მიმწოდებელს
მომსახურებას ღირებულებას, წინამდებარე ხელშეკრულებით გათვალისწინებული
პირობების შესაბამისად.

2. მხარეთა უფლება-მოვალეობები

- 2.1 მიმწოდებელი ვალდებულია კეთილსინდისიერად, ხარისხიანად და დროულად
შეასრულოს მასზე ამ ხელშეკრულებით დაკისრებული მოვალეობები.
- 2.2 მიმწოდებელი უფლებამოსილია, მოსთხოვოს შემსყიდველს ხელშეკრულებით
ნაკისრი ვალდებულებების დროულად და სრულად შესრულება.
- 2.3 შემსყიდველი ვალდებულია უზრუნველყოს შესაბამისი ანგარიშსწორება
ხელშეკრულებით გათვალისწინებული პირობებითა და ოდენობით.
- 2.4 შემსყიდველი უფლებამოსილია მოსთხოვოს მიმწოდებელს ხელშეკრულებით ნაკისრი
ვალდებულებების დროულად და სრულად შესრულება.

3. მომსახურების გაწევისა და მიღება-ჩაბარების წესი

- 3.1 მიმწოდებელი ვალდებულია შეუსრულოს შემსყიდველს წინამდებარე ხელშეკრულებით გათვალისწინებული მომსახურება ხელშეკრულების გაფორმებიდან 2016 წლის 31 დეკემბრის ჩათვლით.
- 3.2 შემსყიდველი უფლებამოსილია უარი განაცხადოს უხარისხო მომსახურების მიღებაზე, რომელიც არ შეესაბამება წინამდებარე ხელშეკრულებით გათვალისწინებულ მოთხოვნებს.

4. მომსახურებას ხარისხი

- 4.1 მიმწოდებელი იღებს ვალდებულებას, რომ გაწეული მომსახურების ხარისხი უპასუხებს ხელშეკრულებით და სატენდერო დოკუმენტაციით მოთხოვნილი ტექნიკური დავალებით გათვალისწინებულ პირობებს და დააკმაყოფილებს შემსყიდველის მოთხოვნებს.
- 4.2 შესყიდვის ობიექტის ხარისხი უნდა შეესაბამებოდეს ამ სფეროში არსებულ სტანდარტებს და ნორმებს.

5. ხელშეკრულების ღირებულება და ანგარიშსწორების წესი

- 5.1 წინამდებარე ხელშეკრულებით განსაზღვრული მომსახურების საერთო ღირებულება შეადგენს _____ ლარს კანონმდებლობით გათვალისწინებული გადასახადების ჩათვლით. აღნიშნული ღირებულება მოიცავს მიმწოდებლის ყველა ხარჯს, რომელიც უკავშირდება მომსახურებას შესრულებას, მათ შორის, გარდა დამატებითი ღირებულების გადასახადისა.
- 5.2 ანგარიშსწორების განსახორციელებლად მიმწოდებელმა უნდა წარმოადგინოს შემდეგი დოკუმენტები: ა) მიღება-ჩაბარების აქტი; ბ) საგადასახადო ანგარიშ-ფაქტურა;
- 5.3 ანგარიშსწორება მიმწოდებელთან წარმოებს 5.2 მუხლით გათვალისწინებული დოკუმენტების წარმოდგენიდან 10 (ათი) სამუშაო დღის განმავლობაში, უნაღდო ანგარიშსწორების ფორმით.

6. გარანტია, პასუხისმგებლობა და ხელშეკრულების პირობების შეუსრულებლობა

- 6.1 მიმწოდებელი იძლევა გარანტიას, რომ მის მიერ გაწეული მომსახურების ხარისხი შეესაბამება წინამდებარე ხელშეკრულებით განსაზღვრულ პირობებს. მომსახურების ნაკლის აღმოჩენის შემთხვევაში მიმწოდებელი ვალდებულია საკუთარი ხარჯით, დაუყოვნებლივ, არაუგვიანეს _____ სამუშაო დღისა აღმოფხვრას არსებული ნაკლი.
- 6.2 თუ მიმწოდებელი 6.1 მუხლით გათვალისწინებულ ვადაში ვერ/არ უზრუნველყოფს ნაკლის აღმოფხვრას, შემსყიდველი უფლებამოსილი იქნება დააკისროს მიმწოდებელს შეუსრულებელი მომსახურების ღირებულების ოდენობის პირგასამტეხლოს გადახდა, რაც მიმწოდებელმა უნდა გადაიხადოს დაუყოვნებლივ, არაუგვიანეს შემსყიდველისგან შესაბამისი შეტყობინების მიღებიდან 3 (სამი) სამუშაო დღისა.
- 6.3 მხარეების მიერ ხელშეკრულების პირობების შეუსრულებლობა ან/და დარღვევა გამოიწვევს მათ პასუხისმგებლობას წინამდებარე ხელშეკრულებისა და მოქმედი კანონმდებლობით დადგენილი წესის შესაბამისად. არაჯეროვანი მომსახურების გაწევის შედეგად შემსყიდველისათვის ან/და მესამე მხარისათვის მიყენებული ზიანის ანაზღაურება ეკისრება მიმწოდებელს.

- 6.4 მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობის ან არაჯეროვანი შესრულებით მიყენებული ზიანის ანაზღაურება.
- 6.5 მომსახურების შესრულების დაყოვნების შემთხვევაში მიმწოდებელი ვალდებულია გადაუხადოს შემსყიდველს პირგასამტეხლო ყოველ გადაგადაცილებულ კალენდარულ დღეზე 0.1%-ის ოდენობით. შემსყიდველი უფლებამოსილია ანგარიშსწორებისას მიმწოდებელს გამოუქვითოს პირგასამტეხლოს სახით მასზე დარიცხული თანხა.
- 6.6 შემსყიდველის მიერ ანგარიშსწორების ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლოს გადახდა, ყოველ გადაგადაცილებულ მომსახურება დღეზე 0.1%-ის ოდენობით.
- 6.7 მიმწოდებლის მიერ პირგასამტეხლოს გადახდა სამოქალაქო კოდექსით გათვალისწინებული შემთხვევების გარდა, არ ათავისუფლებს მას წინამდებარე ხელშეკრულებით ნაკისრი ვალდებულებების ჯეროვნად შესრულების მოვალეობისაგან.

7. პასუხისმგებლობისგან განთავისუფლება

- 7.1 მხარეები არ აგებენ პასუხს ვალდებულებათა სრული ან ნაწილობრივი შეუსრულებლობისათვის იმ შემთხვევაში, თუ აღნიშნული გამოწვეულია ფორს-მაჟორული გარემოებებით (მიწისძვრა, წყალდიდობა, სახელმწიფო გადატრიალება და სხვა გარემოებები, რომლებიც არ არიან დამოკიდებული მხარეებზე და ითვლებიან ფორს მაჟორულ გარემოებებად).
- 7.2 მხარემ, რომელსაც შეექმნა ფორს-მაჟორული გარემოება დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ. წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან.
- 7.3 წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.
- 7.4 მხარეები ანახლებენ თავიანთი ვალდებულებების განხორციელებას ფორს-მაჟორული გარემოებების აღმოფხვრისთანავე.

8. ხელშეკრულების შესრულების კონტროლი

- 8.1 ხელშეკრულების შესრულებაზე კონტროლს შემსყიდველის მხრიდან ახორციელებს --
-----რომელიც წარმოადგენს მომსახურების მიღება-ჩაბარების აქტის ხელმოწერაზე უფლებამოსილ პირს.

9. ხელშეკრულებაში ცვლილების შეტანა

- 9.1 ხელშეკრულების მონაწილე არც ერთ მხარეს არ აქვს უფლება ცალმხრივად შეცვალოს ხელშეკრულების პირობები.
- 9.2 დაუშვებელია ხელშეკრულებაში იმგვარი ცვლილებების შეტანა, რომლის შედეგად შემსყიდველისათვის იზრდება ხელშეკრულების ღირებულება ან უარესდება

ხელშეკრულების პირობები, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

- 9.2.1 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.
- 9.3 ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.
- 9.4 ხელშეკრულებაში შეტანილი ყველა ცვლილება იურიდიულ ძალას იძენს მხოლოდ მხარეთა მიერ მისი ხელმოწერის დღიდან.

10. ხელშეკრულების მოქმედების ვადა

- 10.1 ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს [REDACTED].
- 10.2 ხელშეკრულება შეიძლება ვადამდე შეწყდეს: მხარეთა შეთანხმებით, რომელიმე მხარის მიერ წინამდებარე ხელშეკრულების პირობების განზრახ ან უხეში გაუფრთხილებლობით დარღვევისას ან/და კანონმდებლობით გათვალისწინებულ სხვა შემთხვევებში.

11. დავათა გადაწყვეტა

- 11.1 მხარეები იღებენ ყველა ზომას, რათა წინამდებარე ხელშეკრულებიდან გამომდინარე ყველა დავა ან წინააღმდეგობა გადაწყდეს ურთიერთმოლაპარაკების გზით.
- 11.2 საკითხის მოლაპარაკების საფუძველზე გადაწყვეტის შეუძლებლობის შემთხვევაში, ამ ხელშეკრულებასთან დაკავშირებით წარმოქმნილი ნებისმიერი დავა, მათ შორის: თვით ამ ხელშეკრულების არსებობის, ნამდვილობის, შეწყვეტის, ან ბათილობის საკითხი განსახილველად და გადაწყვეტილების მისაღებად გადაეცემა სასამართლოს, საქართველოს კანონმდებლობის შესაბამისად.

12. დასკვნითი დებულებები

- 12.1 წინამდებარე ხელშეკრულება შედგენილია ქართულ ენაზე, თანაბარი იურიდიული ძალის მქონე ორ ეგზემპლარად.
- 12.2 ხელშეკრულების ცალკეული მუხლის ან/და პუნქტის ბათილობა ან ძალადაკარგულად ცნობა არ ახდენს გავლენას მთლიანად ხელშეკრულების ან მისი დანართების ნამდვილობაზე.
- 12.3 წინამდებარე ხელშეკრულებიდან გამომდინარე ნებისმიერი შეტყობინება მხარეთა შორის წარმოებს წერილობით ან ელექტრონული ფოსტის მეშვეობით.
- 12.4 ხელშეკრულების არცერთ მხარეს არ აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობები.

13. მხარეთა რეკვიზიტები და ხელმოწერები